

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 07/10 i 3/23), člana 38. stav (2) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), a u skladu sa tačkom 2. Programa utroška sredstava planiranih Budžetom Zeničko-dobojskog kantona za 2026. godinu, u razdjelu 20 - Ministarstvo za rad, socijalnu politiku i izbjeglice - izvor 10 i izvor 40 Budžeta Zeničko-dobojskog kantona za 2026. godinu, broj: 02-11-3006/26 od 18.02.2026. godine i broj: 02-11-4369/26 od 06.03.2026. godine na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

## **ODLUKU**

**o odobravanju sredstava izabranim korisnicima-udruženjima za realizaciju programa/projekta od značaja za održivost povratka i unaprjeđenje kvaliteta života raseljenih lica i povratnika na području Zeničko-dobojskog kantona u 2026. godini**

### **Član 1.**

#### **(Predmet)**

Odobravaju se sredstva u iznosu od 50.000,00 KM (slovima: pedeset hiljada konvertibilnih maraka) izabranim korisnicima-udruženjima za realizaciju programa/projekta od značaja za održivost povratka i unaprjeđenje kvaliteta života raseljenih lica i povratnika na području Zeničko-dobojskog kantona, a koja su izabrana u skladu sa uslovima utvrđenim u provedenom Javnom pozivu.

### **Član 2.**

#### **(Raspored sredstava)**

Sredstva iz člana 1. ove odluke odobravaju se u skladu sa Pravilnikom o kriterijima, načinu i postupku raspodjele sredstava za programe/projekte od značaja za održivost povratka i unaprjeđenje kvaliteta života raseljenih lica i povratnika na području Zeničko-dobojskog kantona, broj: 09-32-2252/25 od 07.02.2025. godine i raspoređuju se izabranim udruženjima raseljenih lica i povratnika ili udruženjima koja u svom članstvu imaju raseljena lica i povratnike, registrovanim na području Zeničko-dobojskog kantona srazmjerno ukupno ostvarenim bodovima i budžetskom zahtjevu svakog pojedinačnog programa/projekta, i to:

<b>R/b</b>	<b>Udruženja</b>	<b>Program/projekat</b>	<b>Odobrena sredstva u KM</b>
1.	Eko pokret život vita, Doboju Jug	„Inkluzija slijepih i slabovidnih osoba-Zvučna knjiga 2026“	5.000,00
2.	Savez KUD ZDK	„Svjetski dan za izbjeglice uz čuvanje tradicije“	3.000,00
3.	Udruženje „Omladina“ Domisljica	„5. Memorijalni turnir „Emir Kadušić“	2.000,00
4.	UG „Čajdraško srce“ Zenica	„Šesto okupljanje prognanih i raseljenih vjernika Čajdraša“	4.500,00
5.	UG „Oaza Mira“ Maglaj	„Povratničke akcije za sve nacije“	3.500,00
6.	HKD Napredak Zavidovići	„Završetak opremanja prostorije unutar Hrvastkog doma u Zavidovićima“	4.000,00

7.	Sportsko udruženje "Sportiva Vareš"	„Renovacija i unaprijeđenje prostorija udruženja“	2.500,00
8.	UG „Žepački kobasičari“ Žepče	„Žepačka kobasicijada- očuvanje gastronomskog naslijeđa i unaprijeđenje položaja povratnika u općini Žepče“	4.000,00
9.	Udruga za održivi razvoj „UZOR“ Žepče	„Zdravija mladež za zdraviju budućnost“	3.000,00
10.	Udruženje „Agro“ Liješnica	„Očistimo danas za čisto sutra“	2.000,00
11.	UOR „Povratak“ Olovo	„Ljeto na selu“	2.000,00
12.	UG Eko Kult(Ura) Vareš	„10. Pekijada“	2.500,00
13.	UG „Grana“ Maglaj	„Igralište za djecu Liješnice“	2.000,00
14.	UM „Dom“ Žepče	„DOMCAST“	2.500,00
15.	Udruženje Odred izviđača Zvijezda Vareš	„Zasadi svoje drvo“	1.500,00
16.	Udruga Moja prva nota Vareš	„Sačuvajmo ljepotu tradicije glazbe“	1.500,00
17.	UG Džudo klub Mahnjača	„Zamjena vanjske stolarije i unutrašnjih vrata na sportskoj gvorani Džudo kluba Mahnjača Žepče“	1.000,00
18.	HKUD „Naša baština“ Žepče	„XVI. Globaričke noći“	1.500,00
19.	UG „Kraljevi šljake“ Žepče	„Program besplatne škole tenisa za djecu povratničkih porodica“	1.000,00
20.	ATV Klub Žepče	„Sportska integracija i razvoj avanturističkog turizma u funkciji održivog povratka“	1.000,00
<b>UKUPNO</b>			<b>50.000,00</b>

### **Član 3.**

#### **(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26) sa razdjela 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, KAD 202, naziv pozicije „Transferi neprofitnim organizacijama“.

### **Član 4.**

#### **(Provođenje Odluke)**

(1) Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija, svako u okviru svojih nadležnosti.

(2) Ministarstvo za rad socijalnu politiku i izbjeglice će po donošenju ove odluke zaključiti pojedinačne ugovore sa udruženjima iz člana 2. iste, kojim će biti uređena međusobna prava i obaveze s ciljem realizacije programa/projekata za koje se odobravaju sredstva.

**Član 5.**  
**(Izvještavanje)**

Obavezuju se korisnici sredstava iz člana 2. ove odluke da Ministarstvu za rad, socijalnu politiku i izbjeglice dostave narativni i finansijski izvještaj o namjenskom utrošku sredstava najkasnije do 31.12.2026. godine.

**Član 6.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-7166/26  
Datum, 10.04.2026. godine  
Zenica

**PREMIJER**  
**po ovlaštenju**

*Dženana Čišija*

DOSTAVLJENO:

1x Ministarstvo za rad, socijalnu politiku i izbjeglice,  
1x Ministarstvo finansija,  
1x Udruženja, putem Ministarstva,  
1x „Službene novine Zeničko-dobojskog kantona“,  
1x a/a.